

Kasano ti makisarita iti Doktor mo panggep iti Medikal a Tulong iti Pannakatay (Aid in Dying) iti HAwai'i

Pakitungtungan dagiti prayoridad mo iti pagpatinggaan ti biag (end-of-life) iti team ti medikal mo ita tapno masigurado a maaramat para kenka dagiti pagpilian a kayat mo. Kumpirmaen a suportaen ti doktor mo dagiti pilim.

Dagiti singasing iti panangirugi iti tungtungan

Para kadagiti saan a naidalit iti sakit::

Ipateg ko ti kalidad ti biag. No maidalitak to iti sakit ken saankon a maragsak ti biag, kayatko a pilien ti medikal a tulong iti pannakatay (aid in dying).

Namnamaek a padayawan yo dagiti desisyon ko ken respetaren ti kannawidak, a kas iti panangrespetar ko kadakayo. Mabalina nga isuratan dak iti reseta ti medikal nga aid-in-dying kas mayannatop iti linteg no siak ket maikari? No saanyo a kayat a padayawan ti rekuwestak, maidawat nga ipakaammo yo kaniak itan.

Para kadagiti adda pannakaidalit na iti sakit:

Kayatko ti maaddaan iti awtorisado a pili a mapaalisto ti pannakatay ko no saanen a madaeran ti panagtuok ko.

Maikariak kadi para iti medikal nga aid in dying? No wen, mabalina nga isuratannak iti reseta kas mayannatop iti Our Care, Our Choice Act?

No saan, mabalina nga i-refer nak iti doktor a siaanamong a mangisurat iti reseta? No saanak a maikari, ania ti langa ti kondisyon ko no siak ket maikari?

Ti medikal nga aid in dying ket natalged ken mapagtalkan a medikal a panagsanay no sadino a ti naidalit iti sakit, nasimbeng ti panunotna a nataengan a nataningan iti innem a bulan wenno nababbaba a panagbiag ket mabalina nga agrekuwesta iti doktor na iti reseta nga agas a mabalinda a pilien a kabukbukudan nga ipakat tapno mangiyeg iti natalna a pannakatay.

Awan sabali no di sika ti mabalina a mangrekuwesta iti daytoy iti doktor mo. Ken nasken a ti doktor mo laeng ti pangrekuwestaam; saanmo a dawaten iti empleyado, nars wenno assistant ti mangngagasmu, wenno mangibati iti rekuwesta iti voicemail.

Mabalina mo a dakamaten a ti Compassion & Choices ket mangted iti tulong kadagiti

mangngagas babaen iti Programa mi a Doc2Doc, a mangdiyaya iti libre, kumpidensyal a konsultasyon iti telepono iti eksperyensyado a medikal a direktor mi. Maidawat a saan nga agkitakit a mangted iti mangngagas mo iti Doc 2 Doc a flier mi wenno numero ti telepono ti Doc 2 Doc. 1-800-247-7421.

Ti Our Care, Our Choice Act

Tapno maikari iti medikal nga aid in dying iti babaen ti Our Care, Our Choice Act, ti tao ket masapul a:

- Maysa a nataengan
- Naidalit iti sakit
- Naikkan iti taning nga innem a bulan wenno nababbaba nga agbiag
- Nasimbeng ti panunot nga agdesisyon iti bukodna a pannakataripato ti salun-at

Kasta pay, masapul a masabet ti tao dagiti sumaganad a kasapulan:

- Residente ti Hawai'i
- Boluntaryo nga agaramid
- Kabaelanna a bukod nga iyementar ti agas nga aid-in-dying

Ti pannakaikari a mangaramat iti linteg ket saan a kapada ti panankaikari para iti hospice.

Masapul a kumpirmaen ti dua a mangngagas ti Hawai'i ti pannakaikari a mangaramat iti The Our Care, Our Choice Act, kasta met a kumpirmaren nga ar-aramidem ti naimpormaran a desisyon ken boluntaryo nga agrek-rekuwesta iti medikal nga aid-in-dying nga agas. Ireseta ti mangtamtaming a mangngagas ti agas, ken mangted iti maikadua nga opinyon ti pagsaludsudan a mangngagas (*Mailadawan ti*

mangtamtaming a mangngagas kas maysa a mangngagas nga addaan iti kangrunaan a responsibilidad para iti taripato ti indibidwal ken ti sakit na.)

Masapul pay a paneknekan ti saykayatrista, sikologo wenno lisensiyado a trabahador ti kagimungan ti klinika ti mental a kapasidad ti pasyente. Mabalina a maited daytoy a pannakatingiting babaen iti telehealth (babaen iti telepono wenno video).

Mabalina mo a baliwan ti desisyon mo iti aniaman nga oras. Mabalina mo nga ibabawi wenno iyatras ti rekuwesta para iti reseta ti medikal nga aid in dying iti aniaman nga oras, ken saan mo nga obligasyon a tumaren ti agas uray addan kenka daytoy.

Para iti ad-adu nga impormasyon maidawat a bumisita iti

www.CompassionandChoices.org/Hawaii

wenno ag-email iti Hawaii@compassionandchoices.org.